



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lilivm Inter Spinis

Sterre, Jean Chrysostome van der

Antverpiæ, 1627

Cap. XXXVII. Quomodo diuinis intentus, qui aliàs debilis, supra naturam
sæpè roboratur.

urn:nbn:de:hbz:466:1-43032

CAPVT XXXVII.

Quomodo diuinis intentus, qui aliàs debilis, supra naturam sepe roboratur.

HOC etiam, quod super naturam fuisse, & in seruo Dei metas naturales excessisse videtur, silentio præterire non possum: quòd cum ipse tantæ debilitatis esset, & illam iam vertisset in consuetudinem & naturam, vt ex viribus proprijs nec stare diu nec ieiunare valeret, quin extremum defectum incurreret; circa Altaris tamen ministerium occupatus, & stare diutissimè, & ieiunare valebat. Res admodum stupenda. Accidit aliquando, cum apud tales esset personas, quarum deuotione specialiter lætabatur, per aliquot dies tanta ipsum corporis fortitudine, per alacritatem spiritus recreari; vt & debilitatem consuetam in ieiunio non sentiret, & satis miraculosè etiam corporaliter laboraret. Didicerat enim facere horo-

H 3 logij

logij instrumentum ; propter quod nonnumquam ab alijs Monasterijs petebatur, vt vel noua faceret, vbi non erant, vel distemperata iterum temperaret. Fecit hoc cum tantæ iucunditatis affectu, vt non solum nulli sua præsentia fuerit onerosa, verum etiam omnibus charissimus haberetur. Tanta se benignitate omnium moribus & consuetudini conformare sciebat ; vt quamuis inter perfectos sapientiam loqueretur, ita tamen vt puer pueris haberetur, vt vnum suorum eum pueri reputarent. Hanc etiam corporis fortitudinem ipsum nonnumquam nouimus recepisse, cum ad meditando & scribendum aliquid spirituale (circa quod aliqua singulari deuotione & gratia mouebatur) studium applicaret ; ita vt aliquando vsque ad meridiem, frequenter vsque ad vesperam & crepusculum, ieiunium protelaret. Tunc quoque cum Fratribus commomentibus & compellentibus aliquando

*Vires ei
nonnum-
quam di-
uinitus sus-
ficiuntur.*

ORDINIS PRAEMONST. 119
do (qui in Refectorio ministrabant) vt
fragili corpusculo * indulgeret, acces-
sisset ad mensam; vno pulmento fre-
quenter, & maximè pultibus utebatur.

* Foriè
deest non-
nihil.

CAPVT XXXVIII.

Cuiusdam sanctæ Virginis testimonio beati IOSEPH sanctitas comprobatur.

VENIO nunc ad visiones & reuelationes Domini, quæ alijs quoque personis nobis cognitæ, & vitæ sanctitate probatæ, de beato viro factæ sunt: vt non solùm à seipso, verùm etiam ab alijs habeat testimonium veritatis. Erat in Monasterio nobis cognito & vicino, sancta Virgo Cisterciensis Ordinis, flos & lux nostri temporis: cuius testimonio tantò fortius credere, & illud scripturæ tantò fiducialius audeo commendare, quàm illam specialiùs familiariusque cognoui. De cuius testimonio quisque mecum minimè dubitabit, qui legerit

H 4 libel-